

摘藻堂四庫全書薈要

集部

欽定四庫全書薈要

集部

御選歷代詩餘卷六十六
七

詳校官編修臣汪鏞

欽定四庫全書薈要

御選歷代詩餘卷六十六目錄

九十
九字

燕山亭

宋徽宗

曾覲

毛幵

張雨

瑣窓寒

又一體



周邦彥

方千里

陳允平

王沂孫

張炎

無名氏

前調

又一體

張炎

蕭允之

月下笛

又一體

張炎

陶宗儀

前調

又一體

曾允元

夜合花

又一體

吳文英

孫惟信

月華清

又一
凡曲

馬莊父

洪璚

朱淑真

蔡松年

垂楊

陳允平

前調 又一體

白樸

瓊瓏四犯 又一體

周邦彥

方千里

前調 又一體

姜夔

前調 又一體

吳文英

丁香結

周邦彥

方千里

陳允平

金菊對芙蓉

康與之

馮取洽

劉清夫

馬洪

壺中天

歐良

前調

又一體

楊慎

國香

周密

張炎 二首

無悶

吳文英

王沂孫

三部樂 又一體

楊澤民

吳文英

新鴈過妝樓

吳文英 二首

陳允平

張炎 四首

采綠吟

周密

聲聲慢 又一體

晁補之

周密

宴清都

陳允平

鳳池吟

吳文英

東風第一枝

吳文英

定風波

又一體

張翥

芳草

韓縝

萬年歡

又一體

晁補之

述神引

又一體

晁補之

碧芙蓉

又一體

晁補之

長相思慢

周邦彥

紫玉簫

晁補之

秋宵吟

姜夔

陌上花

張翥

十月桃

張元幹

大有

潘希白

桂枝香

又一體

王廷相

御選歷代詩餘卷六十六目錄

欽定四庫全書薈要卷二萬七百四十四

集部

御選歷代詩餘卷六十六

九十九字

燕山亭

雙調九十九字燕或作宴然與山亭宴無涉也

燕山亭

見杏花作

宋徽宗

裁翦冰綃輕疊數重冷淡胭脂勻注新樣靚妝豔溢香
融羞殺蕊珠宮女易得凋零更多少無情風雨愁苦問
院落淒涼幾番春暮憑寄離恨重重這雙燕何曾會

人言語天遙地遠萬水千山知他故宮何處怎不思量
除夢裏有時曾去無據和夢也新來不做

前調

中秋諸王
席上作

曾覲

河漢風清庭戶夜涼皓月澄秋時候冰鑑乍開跨海飛
來光掩滿天星斗四捲珠簾漸移影寶階鴛鴦還又看
歲歲嬋娟向人依舊 朱邨高宴簪纓正歌吹瑤臺舞
翻宮袖銀管競酬棣萼相輝風流古來誰有玉笛橫空
更聽徹霓裳三奏難偶擽醉倒參橫曉漏

前調

勔侄求睡
紅亭賦

毛 玕

暖靄輝遲雨過夜來簾外春風徐轉霞散錦舒密映微
窺亭亭萬枝開徧一笑嫣然猶記有畫圖曾見無伴初
睡起昭陽弄妝日晚長是相趁佳期有尋舊流鶯禽
新雙燕惆悵共誰細繞花陰空懷紫簫淒怨銀燭光中
且更待夜深重看留戀愁酒醒緋桃千片

前調

楊梅

張 雨

鶴頂珠圓蝟肌粟聚寶葉揉藍初洗親翦翠柯遠贈筠

籠脈脈紅泉流齒骨換丹砂笑尚帶儒酸風味誰記曾
問譜西泠綠陰青子君家幾度尊前摘天上繁星伴
人同醉纖手素盤歷亂殷紅浮沈半壺脂水珍果同時
惟醉寫來禽青李爭似為越女吳姬染指

瑣牕寒

又一體雙調

九十九字

瑣牕寒

寒食

周邦彥

暗柳啼鴉單衫竚立小簾朱戶桐陰半畝靜鏤一庭愁

雨灑空階夜闌未休故人翦燭西窗語似楚江暝宿風
燈零亂少年羈旅遲暮嬉遊處正店舍無煙禁城百
五旗亭喚酒付與高陽儔侶想東園桃李自春小脣秀
靨今在否到歸時定有殘英待客攜尊俎

前調

次周美
成韻

方千里

燕子池塘黃鸝院落海棠庭戶東風暗許借與輕風柔
雨奈春光困人正濃畫欄小立慵無語念冶遊時節融
怡天氣異鄉愁旅朝暮凝情處歎聚散悲歡歲常十

五連飛並羽未抵鴛鴦侶
算章臺楊柳尚存楚娥鬢
影依舊否再相逢
擽解雕鞍燕樂同杯俎

前調

次周美成韻

陳允平

禁燭飛煙東風插柳萬家千戶
梨花院落數點弄晴纖
雨傍鞦韆紅雲半濕畫簾
燕子傷春語歎十年南北西
湖倦客曲江行旅
日暮花深處對修竹彈碁戲枰格
五攜尊共約詩酒雲朋月侶
念舊遊九陌香塵倡條冶
葉還在否踏青歸醉宿蘭舟
枕藉黃金俎

前調

王沂孫

出谷鶯遲離沙鴈少
殢陰庭宇東風似水尚掩沉香雙
戶看梅階雪痕乍鋪那回已趁飛梅去
奈柳邊占得一庭新暝又還留住
前度西園路記半袖爭持鬪嬌者
嫵瓊肌暗怯醉立千紅深處問如今
山館水邨共誰翠幄熏蕙炷
最難禁向晚淒涼化作梨花雨

前調

悼王碧山

張炎

斷碧分山空簾刺月
故人天外香留酒殢蝴蝶一生花

裏想如今醉魂未醒夜臺夢語秋聲碎自中仙去後詞
箋賦筆便無清致都是淒涼味悵玉筍埋雲錦袍歸
水形容憔悴料應孤吟山鬼那知人彈折素絃黃金鑄
出相思淚但柳枝門掩枯陰候蛩愁啼葦

前調

詠簾

無名氏

繡額雲橫銀鈎月小綠楊庭院疎明滿幅永晝未快高
卷愛空紋巧勻曲波弄晴日色花陰轉任篩金影碎輕
敲簷玉礙雙飛燕凝見牕留篆影六曲雕闌翠深絳

淺香風暗度不隔嬌鬢鶯嚶似無情重霧下垂嫩桃想
像添笑面望瑤階窄地雙鴛注盼金蓮遠

前調

又一體

張炎

亂雨敲春深煙帶晚水牕慵凭空簾慢卷數日更無花
影怕依然舊時燕歸定應未識江南冷最憐他樹底媽
紅不語背人吹盡清潤通幽徑待移燈翦韭試香溫
鼎分明醉裏過了幾番風信想竹間高閣半間小車未
來猶自等傍新晴隔柳呼船待教濤信穩

前調

蕭允之

細雨收塵輕陰弄日柳絲掠道桃邊杏處猶記玉驄曾
到對東風回首舊游香消豔歇無音耗悵佳人有約難
來綠徧滿庭芳草愁抱沈吟久問翠珥金鈿為何人
好回文細字塵暗當年纖綺倚闌干斜陽又西歡期易
失春易老待何時再覓珍叢共把清尊倒

月下笛

又一體雙調
九十九字

月下笛

寄仇山邨

張炎

千里行秋支筇背錦頓懷清友殊鄉聚首愛吟猶自詩
瘦山人不解思猿鶴笑問我蕭娘在否記長堤畫舫花
柔春鬧幾番攜手別後都依舊但靖節門前近來無
柳盟鷗尚有可憐西塞漁叟斷腸不恨江南老恨落葉
飄零最久倦游處減羈愁猶未消磨是酒

前調

落梅

陶宗儀

東閣詩慳西湖夢淺好音難托香消玉削早孤標頓非

昨阿誰底事頻橫笛不道是江南
搖落向空堦間砌天寒日暮病鶴輕啄
情薄東風惡試快覓飛瓊共翔寥廓
冰魂漠漠誰憐金谷離索有時巧綴
雙蛾綠天做就宮妝綽約待一點肥
圓成須信和羹問却

前調

又一體

曾允元

吹老楊花浮萍點點一溪春色閒尋
舊迹認溪頭沆沙磧柔條折盡成輕
別向空外瑤簪一擲算無情更苦鶯
巢暗葉啼破幽寂
凝立闌干側記露飲東園聯鑣西

陌容消鬢減相逢應自難識東風吹得愁如海謾點染
空堦自碧獨歸晚解說心中事月下短笛

夜合花

又一體雙調
九十九字

夜合花

吳文英

柳暝河橋鶯晴臺苑短策頻惹春香當時夜泊溫柔便
入深鄉詞韻窄酒杯長翦蠟花壺箭催忙共追遊處凌
波翠陌連棹橫塘十年一夢淒涼似西湖燕去吳館

巢荒重來萬感依前喚酒銀缸溪雨急岼花狂趁殘鴉
飛過蒼茫故人樓上憑誰指與芳草斜陽

前調

孫惟信

風葉敲牕露蛩吟甃謝娘庭院秋宵鳳屏半掩釵花映
燭紅搖潤玉暖膩雲嬌染芳情香透鮫綃斷魂留夢煙
迷楚驛月冷藍橋誰念賣藥文簫望仙城路杳鶯燕
迢迢羅衫暗摺蘭痕粉跡都銷流水遠亂花飄苦相思
寬盡香腰幾時重凭玉驄過處小袖輕招

月華清

又一體雙調
九十九字

月華清

馬莊父

瑟瑟秋聲蕭蕭天籟滿庭搖落空翠數徧丹楓不見葉
間題字人何處千里嬋娟愁不斷一江流水遙睇見征
鴻幾點碧天無際 悵望月中仙桂問竊藥佳人誰與
同歲把鏡當空照盡別離情意心裏恨莫結丁香琴上
曲休彈秋思怕裏又悲來老却蘭臺公子

前調

春夜對月

洪璚

花影搖春蟲聲吟暮九霄雲幕初卷誰駕冰蟾擁出桂
輪天半素魄映青瑣牕前皓彩散畫闌干畔凝盼見金
波滉漾分輝鵲殿 況是風柔夜煖正燕子新來海棠
微綻不似秋光只照離人腸斷恨無奈利鎖名韉誰為
喚舞裙歌扇吟翫怕銅壺催曉玉繩低轉

前調

梨花

宋煖

朱淑真

雪壓亭春香浮花月攬衣還怯單薄敲枕徘徊又聽一

聲乾鵲粉淚共宿雨闌干清夢與寒雲寂寞除却是江
梅曾許詩人吟作長恨曉風飄泊且莫遣香肌瘦減
如削深杏天桃端的為誰零落況天氣妝點清明對美
景不妨行樂揀著向花時喚取一杯獨酌

前調

蔡松年

樓倚明河山蟠喬木故國秋光如水常記別時月冷半
山環珮到而今桂影尋人端好在竹西歌吹如醉望白
蘋風裏關山無際可惜瓊瑤千里有年少玉人吟嘯

天外脂粉清輝冷射藕花冰蕊念老去鏡裏流年空解
道人生適意誰會更微雲疎雨空庭鶴唳

垂楊

雙調九十九字
以詠本意得名

垂楊
本意

陳允平

銀屏夢覺漸淺黃嫩綠一聲鶯小細雨輕塵建章初閉
東風悄依然千樹長安道翠雲鎖玉牕深窈斷橋人空
倚斜陽帶舊愁多少
還是清明過了任煙縷露條碧

纖青娟恨隔天涯幾回惆悵蘇堤曉飛花滿地誰為埽
甚薄倖隨波縹緲啼鶻不喚春歸人自老

前調

又一體

白樸

關山杜宇甚年年喚得韶光歸去怕上高城望遠煙水
迷南浦賣花聲動天街曉總吹入東風庭戶正紗牕濃
睡覺來驚翠蛾愁聚一夜狂風橫雨恨西園媚景匆
匆難駐試把芳菲點檢鷺燕渾無語玉纖空折梨花撚
對寒食厭厭心緒試問東君落花誰是主

瓊瓏四犯

又一體雙調
九十九字

瓊瓏四犯

周邦彥

穠李夭桃是舊日潘郎親試春豔自別河陽長負露房
煙臉顚頰鬢點吳霜細念想夢魂飛亂歎畫欄玉砌都
換纔始有緣重見夜深偷展香羅薦暗牕前醉眠葱
菴浮花浪蕊都相識誰更曾擡眼休問舊色舊香但認
取芳心一點又片時一陣風雨惡吹分散

前調

次周美成韻

方千里

傾國名姝似暈雪勻酥無限嬌豔素質閒姿天賦澹蛾
豐臉還是睡起慵妝顧鬢影翠雲零亂悵平生把鑑驚
換依舊瑣牕逢見繡幃凝想鴛鴦薦畫屏烘獸煙蔥
循依紅傍粉憐香玉聊慰風流眼空歎倦客斷腸奈聽
徹殘更急點仗夢魂一到花月底休飄散

前調

又一體中歲暮

越

姜夔

疊鼓夜寒垂燈春淺匆匆時事如許倦遊歡意少俛仰

悲今古江淹又吟恨賦記當時送君南浦萬里乾坤百
年身世惟有此情苦揚州柳垂官路有輕盈換馬端
正窺戶酒醒明月下夢逐潮聲去文章信美知何用謾
贏得天涯羈旅教說與春來要尋花伴侶

前調

人一
體

吳文英

波暖麝香正嫩日輕陰搖蕩清晝幾日新晴初展綺牕
紋繡年少忍負才華儘占斷豔歌芳酒奈翠簾蝶舞蜂
喧催趁禁煙時候杏腮紅透梅鈿皺燕歸時海棠廝

勾尋芳較晚東風約還約劉郎歸後憑問柳陌情人比
似垂楊誰瘦倚畫欄無語春恨遠頻回首

丁香結

古詩丁香結恨新遂以
名詞雙調九十九字

丁香結

周邦彥

蒼蘚沿階冷螢黏屋庭樹望秋先隕漸風淒雨迅澹暮
色倍覺園林清潤漢姬紈扇在重吟翫棄擲未忍登山
臨水此恨自古消磨不盡牽引記醉酒歸時對月同

看鴈陣寶幄香纓熏爐象尺夜寒燈暈誰念留滯故國
舊事勞方寸惟丹青相伴那更塵昏蠹損

前調

次周美成韻

方千里

煙濕高花雨藏低葉為誰翠消紅隕歎水流波迅撫豔
景尚有輕陰餘潤乳鶯啼處路思歸意淚眼暗忍青青
榆莢滿地縱買閒愁難盡 勾引正記著年時乍怯春
寒陣陣小閣幽牕殘妝賸粉黛看曾暈迢遞魂夢萬里
恨斷柔腸寸知何時重見空為相思瘦損

前調

次周美
成韻

陳允平

塵擁妝臺翠閒歌扇金井碧梧風隕聽
豈蟲聲小伴寂寞冷逼莓牆蒼潤料淒涼
宋玉悲秋恨此際怎忍蓮塘風露漸入
粉豔紅衣落盡勾引記舞歇弓彎幾度
柳圍花陣酒薄愁濃霞腮淚漬月看香
暈空對秦鏡尚缺暗結回腸寸念纖腰
柔弱都為相如瘦損

金菊對芙蓉

雙調九

十九字

金菊對芙蓉

康與之

梧葉飄黃萬山空翠斷霞流水爭輝正金風西起海燕
東歸凭闌不見南來鴈望故人消息遲遲木犀開後不
應悞我好景良時只念獨守孤幃把枕前囑付一旦
分飛上秦樓遊賞酒殢花迷誰知別後相思苦悄為伊
瘦損香肌花前月下黃昏院落珠淚偷垂

前調

和劉莖
嶽韻

馮取洽

寶鏡懸空玉簪點水蕩搖千頃寒光正江妃月姊鬪理

明妝扶欄一笑開詩眼少容我吟諷其旁一川風露滿
懷冰雪雲海彌茫不妨倚醉乘狂問天公覓取幾曲
漁鄉聽小樓哀管偷弄初涼夜深歡極忘歸去錦江釀
透碧甯香對花無語花應笑我不似張郎

前調

劉清夫

淺拂春山慢橫秋水玉纖閒理絲桐按清泠繁露淡汀
悲風素絃瑤軫調新韻顫翠翹金簇芙蓉疊鈎重鎖輕
挑慢摘特地情濃泛商刻羽無窮似和鳴鸞鳳律應

雌雄問高山流水此意誰同箇中只許知音聽有茂陵
車馬雍容畫簾人靜琴心三疊時倒金鍾

前調

九日

馬洪

過鴈行低鳴蜩韻急紛紛葉下亭皋向霜庭看菊廳館
題糕依然賓主東南美勝龍山迢遞登高繡屏孔雀金
盤橘柚銀甕蒲桃痛飲鯨捲波濤笑百年春夢萬事
秋毫問臺前戲馬海上連黿當時二子今安在乾坤大
容我麤豪四絃裂帛雙鬟舞雪左手持螯

壺中天

雙調九十九字本念奴嬌別
名以少一字故另為一調

壺中天

歐良

日長晴晝厭厭地
嬾向牕前綰繡困倚屏風無意緒
把
看兒雙皺似醉還醒
纔眠又起頻撚花枝
覷看他兒女
閒尋百草來鬪
相思能幾何時
料歸期不到有恁時
候生怕鴛鴦香被冷
旋爇沈檀熏透
欲把單衣鼎新裁
翦又怕伊春瘦
試看今夜孤燈
還有花否

前調

又一體

楊慎

十年奔走向紅塵何處可尋蓬島一枕青瓷驚夢起幻
迹都如埽七返還丹千齡大藥昧者難精討餐霞伴侶
飄然遙在天表長生須住仙邨誅茆架廈迴出層雲
杪翠水藍岑渾不夜紫府丹丘常曉玉鼓金鹽瑄英珠
液種種供難老聿龍莫嬾為我先耕瑤草

國香

或加慢字取蘭有國
香意雙調九十九字

國香 本意

周密

玉潤金明記曲屏小几翦葉移根經年箇人重見瘦影
娉婷雨帶風襟零落步雲冷鵝管吹春相逢舊京路素
靨塵緇仙掌霜凝 國香流落恨正冰消翠薄誰念遺
簪水空天遠應念簪弟梅兄渺渺魚波望極五十絃愁
滿湘雲淒涼耿無語夢入東風雪盡江清

前調

遇抗妓
沈梅嬌

張炎

鶯柳煙堤記未吟青子曾比紅兒嬾嬌弄春微透鬟翠

雙垂不道留仙不住便無夢吹到南枝相看兩流落掩
 面凝羞怕說當時 淒涼歌楚調嫋餘音不放一朵雲
 飛丁香枝上幾度款語深期拜了花梢澹月最難忘弄
 影牽衣無端動人處過了黃昏猶道休歸

前調

本意

張炎

空谷幽人曳冰簪霧帶古色生春結根未同蕭艾獨抱
 孤貞自分生涯澹薄隱蓬蒿甘老山林風煙伴憔悴冷
 落吳宮草暗花深 霽痕消蕙雪向屋陰飲露應是知

心所思何處愁滿楚水湘雲肯信遺芳千古尚依依澤
畔行吟香痕已成夢短操誰彈月冷瑤琴

無悶

雙調九十九字或作閨怨無悶者按之大約以
無悶調填閨怨題遂以傳訛非別有一調也

無悶

催雪

吳文英

霓節飛瓊鸞駕弄玉杳隔平雲弱水倩皓鶴傳書衛姨
呼起莫待粉河凝曉趁夜月瑤笙飛環珮蹇驢吟影茶
煙竈冷酒亭門閉歌麗泛碧蟻放繡箔半鈎寶臺臨

砌要須借東君灞陵春意曉夢先迷楚蝶早風戾重寒
侵羅被還怕掩深院梨花又作故人清淚

前調

雪

王沂孫

陰積龍荒寒度鴈門西北高樓獨倚悵短景無多亂山
如此欲喚飛瓊起舞怕攪碎紛紛銀河水凍雲一片藏
花護玉未教輕墜 清致悄無似有照水南枝已攬春
意誤幾度凭闌莫愁凝睇應是梨花夢好未肯放東風
來人世待翠管吹破蒼茫看取玉壺天地

三部樂

又一體雙調
九十九字

三部樂

榴花

楊澤民

濃綠叢中露半坼芳苞自然奇絕水亭風檻正是蕤賓
之月固知道春色無多但絳英數點照眼先發為君的
樂盡是重心千葉紅巾又成半蹙尋雙寄意向麗人
低說但將一枝插著翠鬟絲髮映秋波豔雲近睫知厚
意深情更切賞翫未已看葉下珍珠還結

前調

賦姜石
帚漁隱

吳文英

江鷓初飛蕩萬里素雲際空如沐詠情吟思不在秦箏
金屋夜潮上明月蘆花傍釣蓑夢遠句清敲玉翠罌汲
曉欵乃一聲秋曲片篷障雨乘風半竿渭水伴鷺汀
幽宿那知煖袍挾錦低簾籠燭鼓春波載花萬斛帆鬣
轉銀河可掬風定浪息蒼茫外天浸寒綠

新鴈過妝樓

雙調九十九字一名八寶妝一名瑤臺聚八仙以其合八調句法為一詞故名今按之止平仄小異

大槩俱同
合之為是

新鴈過妝樓

秋感

吳文英

夢醒芙蓉風簷近
渾疑珮玉丁東
翠微流水都是惜別
行蹤
宋玉秋花相比瘦
賦情更苦似秋濃
小黃昏紺雲暮合
不見征鴻
宜城當時放客
認燕泥舊迹返照樓
空夜闌心事燈前
敗壁寒蛩江寒夜
楓怨落怕流作題
情腸斷紅行雲遠
料淡蛾人在秋香月中

前調

中秋後一夕
月庭延客

吳文英

閨苑高寒金樞動冰宮桂樹年年翦秋一半難破萬戶
連環織錦相思樓影下鈿釵暗約小簾間共無眠素娥
慣得西墜闌干誰知壺中自樂正醉圍夜玉淺鬪嬋
娟鴈風自勁雲氣不上涼天紅牙潤沾素手聽一曲清
歌雙霧鬟徐郎老恨斷腸聲在離鏡孤鸞

前調

陳允平

望遠秋平初過雨微茫水滿煙汀亂蕪疎柳猶帶數點
殘螢待月重樓誰共倚信鴻斷續兩三聲夜如何頓涼

驟覺紈扇無情
還思駿鸞素約
念鳳簫鴈瑟
取次塵生
舊日潘郎
雙鬢半已星星
琴心錦意
暗嬾又爭奈
西風吹恨
醒屏山冷
怕夢魂飛度
藍橋不成

前調

張炎

楚竹間挑
千日酒樂意
稍稍漁樵
那回輕散
飛夢便覺
迢迢似隔
芙蓉無路
到如何共
此可憐宵
舊愁消
故人念我
來問寂寥
登臨試開
笑口看垂
垂短髮
破帽休飄
款語微吟
清氣頓埽
花妖明朝
柳岸醉醒
又知在煙

波第幾橋懷人處任滿身風露踏月吹簫

前調

梅影

張

炎

近水橫斜先得月玉樓宛若籠紗散跡苔茵墨暈淨洗
鉛華誤入羅浮身外夢似花又却似非花探寒葩倩人
醉裏扶過溪沙竹籬幾番倦倚看乍無乍有如寄生
涯更好一枝時到素壁簷牙香深與春暗却且休把江
頭千樹誇東家女試酒妝顛倒難勝西家

前調

張

炎

屋上青山青未了，凌虛試一憑闌。亂峰疊嶂無限古色。
蒼寒正喜雲間雲，又去片雲未識我心間。對昏巒底須
謝屐何用躋攀。三十六梯眺遠任半空笑語飛落人
間。賦筆吟箋塵事竟不相關。朝來自然爽氣更好是秋
屏宜晚看。塵寰裏有天開仙境。圖畫應難

前調

菊

張炎

風雨不來深院悄。清事正滿東籬。杖藜重到秋風冉冉。
吹衣瘦碧飄蕭。搖露梗膩黃秀野。拂霜枝憶芳時翠微

喚酒江鴈初飛 湘潭無人弔楚歎落莫自采誰寄相
思淡泊生涯聊伴老圃斜暉寒香應徧故里想鶴怨山
空人未歸歸何晚問徑松不語只有花知

采綠吟

雙調九
十九字

采綠吟

周密

采綠鴛鴦浦畫舸水北雲西槐薰入扇柳陰浮槩花露
侵詩點塵飛不到冰壺裏紺霞淺靨玻璃想明璫凌波

遠依依心事誰知
移棹樣空明蘋風度瓊絲霜管清
肥咫尺挹幽薌悵隔岸紅衣對滄洲心與鷗閒吟情渺
蓬萊共分題停杯久涼月漸生煙合翠微

聲聲慢

又一體雙調
九十九字

聲聲慢

楊花

晁補之

朱門深掩擺蕩春風無情鎮欲輕飛斷腸如雪撩亂去
點人衣朝來半和細雨向誰家東館西池算未肯似桃

含紅蕊留待郎歸
還記章臺往事別後縱青青似舊
時垂灞岸行人多少競折柔枝而今恨啼露葉鎮香街
拋擲因誰又爭可妒郎誇春草步步相隨

前調

送王聖
與次韻

周密

瓊壺歌月白髮簪花十年一夢揚州恨入琵琶小憐重
見灣頭尊前漫題金縷奈芳情已逐東流還送遠甚長
安亂葉都是閒愁
次第重陽近也看黃花綠酒也合
遲留脆柳無情不堪重繫行舟百年止消幾別對西風

休賦登樓怎去得怕淒涼時節團扇悲秋

宴清都

雙調九
十九字

宴清都

陳允平

聽徹南樓鼓玉壺永漏遲度重溫錦幄低護青氈曲通
朱戶巡檐細嚼寒梅歎寂寞孤山伴侶更信有鐵石心
腸廣平幾度曾賦寒深試擁羊裘松醪自酌誰伴吟
苦摩挲醉眼闌干笑拍白鷗驚去梁園勝賞重約漸玉

樹瓊花處處怕柳條未覺春風青青在否

鳳池吟

雙調九十九字

與鳳簫吟無涉

鳳池吟

度梅津除
右司郎官

吳文英

萬丈巍臺碧罽罽外衮衮野馬遊塵舊文書几閣昏朝
醉暮覆雨翻雲忽變清明紫垣敕使下星辰經年事靜
公門如水帝甸陽春長年父老相語幾百年見此獨
駕冰輪又鳳鳴黃幕玉霄平遡鵲錦輕恩事省中書半

紅梅子薦鹽新歸來晚待慶吟殿閣南薰

東風第一枝

雙調九
十九字

東風第一枝

吳文英

傾國傾城非花非霧春風十里獨步勝如西子妖嬈更
比太真淡泞鉛華不御漫道有巫山洛浦似恁地標格
無雙鎮鎖畫樓深處 曾被風容易送去曾被月等閒
留住似花翻使花羞似柳任從柳妒不教歌舞恐化彩

雲輕舉信下蔡陽城俱迷看取宋玉詞賦

定風波

又一體雙調

九十九字

定風波

西江客舍
聞梅香賦

張翥

恨行雲特地高寒牢籠好夢不定晚晚年華淒涼客况
泥酒渾成病畫闌深碧牕靜一樹瓊花可憐影低映怕
明月照見青禽相並素衾正冷又春光枕上熏愁醒
甚銀牀霜凍山童未起誰汲牆陰井玉笙殘錦書迴應

是多情道薄倖爭肯等閒孤負西湖春典

芳草

一名鳳蕭吟雙
調九十九字

芳草

韓 縝

鎖離愁連絲無際來時陌上初薰繡幃人念遠暗垂珠
露泣送征輪長行長在眼更重重遠水孤邨但望極樓
高盡日目斷王孫消魂池塘別後曾行處綠妒輕裙
恁時攜素手亂花飛絮裏緩步香茵朱顏空自改向年

年芳意長新編綠野嬉遊醉眼莫負青春

萬年歡

又一體雙調

九十九字

萬年歡

晁補之

心憶春歸似佳人未來香徑無迹雪裏江梅因甚早知
消息百卉芳心正寂夜不寐幽姿脈脈圖清曉先作宮
妝似防人見偷得真香媚情動魄算當時壽陽無此
標格應寄揚州何郎舊曾相識花似何郎鬢白恐花笑

逢花羞摘那堪羌笛驚心也隨繁杏拋擲

述神引

又一體雙調
九十九字

述神引

賈玉溪對
江山作

晁補之

黯黯青山紅日暮浩浩大江東注餘霞散綺回向煙波
路使人愁長安遠在何處幾點漁燈小迷近塢一片客
帆低傍前浦暗想平生自悔儒冠誤覺阮途窮歸心
阻斷魂縈目一千里傷平楚怪竹枝歌聲聲怨為誰苦

金史四庫全書
卷六十六
猿鳥一時啼驚鳥嶼燭暗不成眠聽津鼓

碧芙蓉

又一體雙調
九十九字

碧芙蓉

廬山

晁補之

廬山小隱新年來疎嬾寢濃歸興綵橋飛過深溪池底
奔雷餘韻香爐照白望處與清霄近想羣仙呼我應還
怪曉來鬢絲垂鏡海上雲車回軻少姑傳金母信森
翠裾瓊珮落日初霞紛紜相映誰見湖中景花洞裏香

然漁艇別是箇瀟灑乾坤世情塵土休問

長相思慢

雙調九

十九字

長相思慢

周邦彥

夜色澄明天街如水風力微冷簾旌幽期再偶坐久相
看纔喜欲歎還驚醉眼重醒映雕欄修竹共數流螢細
語輕輕儘銀臺挂蠟潛聽自初識伊來便惜妖嬈豔
質美盼柔情桃溪換世鸞馭凌空有願須成遊絲蕩絮

任輕狂相逐牽縈但連環不解難負深盟

紫玉簫

雙調九

十九字

紫玉簫

見輕盈
所留題

晁補之

羅綺叢中笙歌隊裏眼狂初認輕盈無花解比似一鉤
新月雲際初生算不虛得郎占與第一佳名卿歸去那
知有人別後牽情 襄王自是春夢休謾說東牆事更
難憑誰教慕宋要題詩曾倚寶柱低聲似瑤臺曉空暗

想衆裏飛瓊餘香冷猶在小牕一到魂驚

秋宵吟

雙調九

十九字

秋宵吟

姜夔

古簾空墜月皎坐久西牕人悄蛩吟苦漸漏永丁丁箭
壺催曉引涼颼動翠葆露脚斜飛雲表因嗟念似去國
情懷暮帆煙草帶眼消磨為近日愁多頓老衛娘何
在宋玉歸來兩地暗縈繞搖落江楓早嫩約無憑幽夢

又香但盈盈淚灑單衣今夕何夕恨未了

陌上花

雙調九

十九字

陌上花

使歸闋浙
歲暮有懷

張翥

關山夢裏歸來還又歲華催晚馬影雞聲諳盡倦郵荒
館綠牋密記多情事一看一回腸斷待殷勤寄與舊遊
鶯燕水流雲散滿羅衫是酒香痕凝處唾碧啼紅相
半只恐梅花瘦倚夜寒誰暖不成便沒相逢日重整釵

鸞筆鴈但何郎縱有春風詞筆病懷渾嬾

十月桃

一名十月梅雙

調九十九字

十月桃

梅花

張元幹

年華催晚聽尊前偏唱衝煖欺寒樂府誰知分付點化
金丹中原舊遊何在頻入夢老眼空潛撩人冷蕊渾似
當時無語低鬟 有多情多病文園向雪後尋春醉裏
凭欄獨步羣芳此花風度天然羅浮淡妝素質呼翠鳳

飛舞爛斑參橫月落留恨醒來滿地香殘

大有

雙調九

十九字

大有 九日

潘希白

戲馬臺前采花籬下問歲華還是重九恰歸來南山翠
色依舊簾櫳昨夜聽風雨都不是登臨時候一片宋玉
情懷十分銜郎清瘦紅萸佩空對酒砧杵動微寒暗
欺羅袖秋色無多早是敗荷衰柳強整帽簷敲側曾經

向天涯搔首幾回憶故國尊鱸霜前鴈後

桂枝香

又一體雙調
九十九字

桂枝香

王廷相

一林紅葉無力撼驚風雨朝霞散搖落年華宋玉又生
幽怨小樓悄悄闌干倚最浮雲不堪情戀玉書難寄海
天空濶夢迷人遠 歎霜鬢年來較短旅中秋不禁登
翫只見青山誰見古時人面鄉心渺渺隨流水更不待

商歌魂斷新愁頓起半牕暝雨一聲歸鴈

御選歷代詩餘卷六十六

欽定四庫全書薈要

御選歷代詩餘卷六十七目錄

一百字

念奴嬌上

宋徽宗

蘇軾

黃庭堅

葛郊三首

周邦彥

沈公述

蔡伸
二首

沈瀛

趙師俠
五首

趙長卿
七首

張綱

李彌遜

張元幹
二首

曾覲 二首

王自中

陸凝之

侯寘 二首

辛棄疾 十首

范成大 五首

陳三聘 三首

張孝祥 四首

仲并

袁去華

劉克莊
二首

吳玘

管鑑
二首

張鎡
二首

御選歷代詩餘卷六十七目錄

欽定四庫全書薈要卷二萬七百四十五

集部

御選歷代詩餘卷六十七

一百字

念奴嬌

上

雙調一百字一名百字令一名壺中天慢或無慢
字一名淮甸春一名百字謠一名湘月一名無俗
念一名慶長春一名千秋歲一名賽天香一
名杏花天中間平仄句讀稍異然實同調也

念奴嬌

真

宋徽宗

雅懷素態向閒中天與風流標格綠瑣牕前湘簟展終
日風清人寂玉子聲乾紋楸色靜星點連還直跳丸日

明算應局上銷得 全似洛浦斜暉寒鷓游鷺亂點沙
汀磧妙算神機須信道國手都無勅敵玳席歡餘芸堂
香暖羸取專良夕桃源歸路爛柯應笑凡客

前調 中秋

蘇軾

憑高眺遠見長空萬里雲無留迹桂魄飛來光射處冷
浸一天秋碧玉宇瓊樓乘鸞來去人在清涼國江山如
畫望中煙樹歷歷 我醉拍手狂歌舉杯邀月對影成
三客起舞徘徊風露下今夕不知何夕便欲乘風翻然

歸去何用騎鵬翼
水晶宮裏一聲吹斷橫笛

前調

黃庭堅

斷虹霽雨淨秋空
山染修眉新綠
桂影扶疎誰便道
今夕清輝不足
萬里青天嫦娥何處
駕此一輪玉
寒光零亂為誰偏照
醺醺年少隨我追涼
晚尋幽徑
遶張園森木
醉倒金荷家
萬里難得尊前相屬
老子平生江南江北
最愛臨風曲
孫郎微笑坐來
聲噴霜竹

前調

葛郟

馮夸微怒被鮫人水府織成綃縠何處飛來雙白鷺點
破一溪寒玉岼柳煙迷海棠酒困贏得春眠足凭闌搔
首為誰消遣愁目 遙想居士牀頭竹渠新雨溜甕中
春醪不惜千金為客壽倒臥南山新綠晚月催歸春風
留住費盡紗籠燭恍疑仙洞夢遊天柱林屋

前調

葛 郊

陽關西路看垂楊客舍嫩浮波縠寶馬嘶風人漸遠隱
隱歌聲夏玉踏徧春山歸來高臥笑濯滄浪足孤鴻天

際斷霞搖曳心目
香霧飛入壺中仙家九醞釀百花
醜醜一朵巫陽休悵望且看家山眉綠歌罷風生舞餘
花顫鳳髓飄紅燭瑤臺月冷夜歸斗挂銀屋

前調

詠杜卷
畫屏

葛 郊

蓬萊一島臥長煙千柳兩溪幽趣苜蓿盤中初日上不
把蔽牖充俎和月栽松饒雲買石只此為家務倚楹清
嘯斷霞斜倚天暮 聞道磊塊澆胸槎枒肝肺動筆端
風雨壁上瀟湘秋一幅影落荻花洲渚暗浦潮生寒磯

雪漲無復闕塵慮此時漁父短蓑合在何處

前調

周邦彥

醉魂乍醒聽一聲啼鳥幽齋岑寂淡日朦朧初破曉滿
眼嬌晴天色最惜香梅凌寒偷綻漏泄春消息池塘芳
草又還淑景催逼因念舊日芳菲桃花永巷恰似初
相識荏苒時光因慣却覓雨尋雲蹤跡奈有離情瑤臺
月下回首頻思憶重愁疊恨萬般都在胸臆

前調

沈公述

杏花過雨漸殘紅零落臘脂顏色流水飄香人漸遠難
托春心脈脈恨別王孫牆陰目斷手把青梅摘金鞍何
處綠楊依舊南陌 消散雲雨須臾多情因甚有輕離
輕折燕子千般爭解說此子伊家消息厚約深盟除非
重見見了方端的而今無奈寸腸千恨堆積

前調

蔡伸

凌空寶觀乍登臨多少傷離情味森森煙波吳會遠極
目江淮無際檻外長江樓中紅袖澹蕩秋光裏一聲橫

吹半灘鷗鷺驚起 因念邃館香閨玉肌花貌有盈盈
仙子弄水題紅傳密意寶墨銀鈎曾寄淚粉香銷碧雲
路香脈脈人千里一彎新月腸斷危闌獨倚

前調

蔡伸

當年豪放况朋儕俱是一時英傑逸氣凌雲佳麗地獨
占春花秋月冶葉倡條尋芳選勝是處曾攀折昔遊如
夢鏡中空歎華髮 邂逅萍梗相逢十年往事忍尊前
重說茂綠成陰春又晚誰解丁香千結寶瑟彈愁玉壺

敲怨觸目堪愁絕酒闌人靜為君腸斷時節

前調

沈瀛

郊原浩蕩正花光奪目動人春色白下長干佳麗最寒
食嬉遊人物露卷香輪風嘶寶騎雲表歌聲歇歸來燈
火不知斗柄西揭 六代當日繁華幕天席地醉拍江
流窄遊女人人爭唱道緩緩踏青阡陌樂事何窮賞心
無限可恨年光迫須臾聚散人生真信如客

前調

趙師俠

漂流蹤跡趁春來還趁春光歸去九十韶華能幾許著
意留他不住趙柳催花摧紅長翠多少風和雨蜂閒蝶
怨盡憑枝上鶯語歸權去去難留桃花浪煖綠漲迷
津浦回首重城天樣遠人在重城深處惜別愁分凝眸
有淚總寄陽關句不堪腸斷恨隨江水東注

前調

趙師俠

斜風疎雨正無聊情緒天涯寒食煙重雲嬌春爛漫却
得輕寒邀勒柳褪鵝黃池添鴨綠桃杏渾狼籍亂山深

處尚留此子春色
海燕未便歸來踏青鬪草誰與同
尋覓杜宇多情苦樹裏只管聲聲歷歷似勸行人不如
及早作箇歸消息休教腸斷夢魂空費思憶

前調

趙師俠

曉風清暑映湖光如練山光如染十里荷花香滿路飛
蓋斜敝妝面一葉扁舟數聲柔櫓陡覺紅塵遠六橋三
塔恍然圖畫中見因念當日三賢兩山佳處應也經
行徧詠月吟風無限句景物隨人俱顯賀監風流元真

清致我亦情非淺
漁蓑投老利名何用深
羨

前調

賦業
荊

趙師俠

化工何意向天涯
海嶠有花清絕縞
袂綠裳無俗韻不
畏炎荒煩熱玉骨
無塵冰姿有豔雅
澹天然別真香冶
態未饒紅紫春色
底事流落江南水
仙兄弟端自難
優劣瘴雨蠻煙魂
夢遠寧識溪橋霜
雪蒼苔同芳素馨
為伴百和清芬
蕪淒然風露夜涼
香泛明月

前調

趙師俠

枕山平遠記當年小閣牙牀曾展圍幅高深春晝永寂
寂重簾不捲擢樣西湖人歸南陌酒暈紅生臉困來無
那玉肌小倚嬌軟 堪恨身在天涯曲屏環枕此意何
由見想像高唐無夢到獨擁閒衾展轉物是人非山長
水闊觸處思量徧愁遮不斷夜闌依舊斜掩

前調

碧舍
笑

趙長卿

晚妝纔罷見櫛絲勻玉一團嬌秀趁得年光長是向金
谷無花時候不比鶯鶯不關燕燕不似章臺柳清涼無

汗雪肌瀟灑難偶 好是斜月黃昏瑤階鈿砌百媚初
含酒惱殺多情香噴噴雙靨盈盈回首傾國傾城千金
莫惜蘭蕙應難友沈郎揀了為花一味銷瘦

前調

趙長卿

據鑪肅坐聽瓶笙別有天然宮徵紙帳屏山渾不俗寫
出江南煙水繁短燈青灰間香軟所欠惟梅矣風飛無
定數聲時顫牕紙 試問夜已何其呼童起看月上東
牆未天外忽聞征鴈過還把音書來寄短笠埋煙輕蓑

鳴雨已辦征軺計
放教歸去故鄉溪
上魚美

前調

梅二首

趙長卿

蘭枯菊槁是返魂
香入江南春早
谷靜林幽人不見
夢與梨花顛倒
雪刻檀心玉勻
豐頰妝趁嚴鐘
曉海仙么
鳳綠衣何處飛
遶竹外孤裊
一枝古今解道
只有東坡老
莫倚廣平心似
鐵閒把珠璣揮
埽桃李輿臺冰
霜賓客月地還
淒悄暗香消盡
和羹心事誰表

前調

趙長卿

水邊籬落獨橫枝
冉冉風煙岑寂踏雪尋芳邛路遠竹
屋西頭遙識蕙草香銷小桃紅未醉眼驚春色離愁何
處斷腸無限陳迹
顛顚素臉朱脣天寒日暮倚闌干
無力歲晚天涯驛使遠難寄江南消息自笑平生憐清
惜澹故國曾親植百花雖好問誰有恁標格

前調

客豫章秋
雨懷歸

趙長卿

江城向曉被西風揉碎一天絲
雨亂織離愁千萬縷多
少關心情緒促織鳴時木犀開後秋色還如許
那堪飄

泊異鄉千里孤旅
應想簾幙閒垂西樓東院齊把歸
期數記得臨歧收淚眼執手叮嚀言語白酒紅萸黃花
綠橋莫等閒辜負朱籠歸騎甚時先報鸚鵡

前調

秋日
牡丹

趙長卿

花王有意念三秋寂寞淒涼天氣木落煙深山霧冷不
比尋常風味勒駕閒來柳蒲顛顚無限驚心事仙容香
豔儼然春盛標致雅態出格天姿風流醞藉羞殺巖
前桂寄語芙蓉臨水際莫騁芳顏妖麗一朵凭闌千花

退避惱得騷人醉等閒風雨更休憊容易

前調 梅影

趙長卿

銀蟾光滿弄餘輝冷浸江妃無力緩引柔條浮素蕊橫
在閒牕虛壁染紙揮毫粉塗墨暈不似今端的天然造
化別呈清瘦蹤跡 今夜翠葆堂深夢回風定因月才
相識先自離愁那更被曉角殘更催逼曙色將分輕陰
移盡過眼難尋覓江南圖上畫工應為描得

前調

張 綱

多情宋玉值西風，搖落悲秋時節。賴有幽芳，深解意的。
顰枝頭爭發，欲語含羞，歛容微笑。心事如何說，暗香時
度，捲簾留伴霜月。誰為賦，寫仙姿，揮毫落紙，有尊前
詞客，獨倚闌干，須信道，消得孤吟，愁絕補闕，騷經拾遺。
香傳頓許，居前列品，題多謝一枝，當為君折。

前調

李彌遜

風簾弄影正閒堂，永晝香銷人寂。軋軋鄰雞，芳思亂愁
入回文，新織燕蹴巢泥，鶯喧庭柳，好夢無蹤跡。那堪春

事背人無計留得 誰似愛酒南鄰
岼巾坦腹醉踏西
山碧綵筆陽春傳鴈足催我飛觴
浮白老去情懷憑君
試看鬢上秋霜色故園千里月華
空照相憶

前調

張元幹

寒綃素壁露華濃羣玉峰巒如洗
明鏡池開秋水淨冷
浸一天空翠荷芰波生菰蒲風動
驚起魚龍戲山河影
裏十分光照人世 誰似老子癡頑
匡牀敲坐自引壺
觴醉醉裏悲歌歌未徹屋角烏飛
星墜對影三人停杯

一問誰解騎鯨意玉京何處翠樓空鎖十二

前調

己卯中秋和韻

張元幹

垂虹望極埽太虛纖翳明河翻雪一碧天光波萬頃湧
出廣寒宮闕好事浮家不辭百里俱載如花頰琴高雙
鯉鼎來同醉孤絕浩蕩今夕風煙人間天上別似尋
常月陶冶三高千古恨賞我中秋清節八十仙翁雅宜
圖畫寫取橫江楫平生奇觀夢回猶竦毛髮

前調

月詞應制

曾覲

素颺漾碧看天衢穩送一輪明月翠水瀛壺人不到比
似世間秋別玉手瑤笙一時同色小按霓裳疊天津橋
上有人偷記新闕當日誰幻銀橋阿瞞兒戲一笑成
癡絕肯信羣仙高宴處移下水晶宮闕雲海塵清山河
影滿桂冷吹香雪何勞玉斧金甌千古無缺

前調

曾覩

人生行樂算一春歡賞都來幾日綠暗紅稀春已去羸
得星星頭白醉裏狂歌花前起舞揀罰金杯百淋漓宮

錦忍辜妖豔姿色
須信殿得韶光祇愁花謝又作經
年別嫩紫嬌紅還解語應為主人留客月落烏啼酒闌
燭暗離緒傷吳越竹西歌吹不堪老去重憶

前調

王自中

扁舟夜泛向子陵臺下偃帆收櫓水闊風搖舟不定依
約月華新吐細酌清泉痛澆塵臆喚起先生語當年綸
釣為誰高臥煙渚還念古往今來功名可共能幾人
光武一旦星文驚四海從此故人何許到底軒裳不如

蓑笠久矣心相與天低雲淡浩然吾欲高舉

前調

觀潮

陸凝之

遠山一帶遡晴空極目天涯浮白楓落鴉翻談笑處不
覺雲濤橫席酒病方蘇睡魔猶殢一掃無留迹吳帆越
棹恍然飛上空碧長記草賦梁園凌雲筆執倒三江
秋色對此驚心空悵望老作紅塵間客別浦煙平小樓
人散回首千波寂西風掃霧為君重噴霜笛

前調

探梅

侯寘

山翁憨甚向尊前手撚一枝寒玉想見梅臺花更好一
片瓊田棲綠短轡輕輿大家同去取酒償醲馥元來春
晚萬芭空間黃竹休恨雪小雲嬌出羣風韻已覺桃
花俗羯鼓聲高回笑臉怎得天公來促江上風平嶺南
人遠誰度梁州曲明朝酒醒但餘詩興天北

前調

侯寘

滄浪萬頃厭塵纓手掬清流頻洗落日孤雲煙渚淨鷗
沒澄波心裏一舸橫秋兩橈開浪霜竹醒煩耳蕭蕭風

露夢回月照船尾
須信閒少忙多壺觴賦詠切莫辜
雲水乘興前溪溪又轉隱約歸帆天際紅蓼丹楓黃蘆
白竹總勝春桃李浮丘何在與君共跨琴鯉

前調

戲贈善作
墨梅者

辛棄疾

江南盡處墮玉京仙子絕塵英秀彩筆風流偏解寫姑
射冰姿清瘦笑殺春工細窺天巧妙絕應難有丹青圖
畫一時都愧凡陋
還似籬落孤山嫩寒清曉祇欠香
黏袖淡泞輕盈誰付與弄粉調朱纖手疑是花神搗來

人去占得佳名久松篁佳韻倩君添做三友

前調

登建康賞心亭

辛棄疾

我來千古上危樓贏得閒愁千斛虎踞龍盤何處是只
有江山滿目柳外斜陽水邊歸鳥隴上吹喬木片帆西
去一聲誰噴霜竹却憶安石風流東山歲晚淚落哀
箏曲兒輩功名都付與長日惟消碁局寶鏡難尋碧雲
將暮誰勸杯中綠江頭風怒朝來波浪翻屋

前調

西湖

辛棄疾

晚風吹雨戰新荷，聲亂明珠蒼壁。誰把香奩收寶鏡，雲錦周遭紅碧。飛鳥翻空遊魚吹浪，慣趁笙歌席。坐中豪氣看君一飲千石。遙想處士風流，鶴隨人去，已作飛仙客。茅舍疎籬今在否，松竹已非疇昔。欲說當年望湖樓下水，與雲寬窄。醉中休問斷腸，桃葉消息。

前調

韓南澗載酒過雲樓觀雪

辛棄疾

兔園舊賞悵遺蹤，飛鳥千山都絕。縞帶銀杯江上路，惟有南枝香別。萬事新奇，青山一夜對我頭先白。倚巖千

樹玉龍飛上瓊闕
莫惜霧鬢雲鬢試教騎鶴去約尊
前月自與詩翁磨凍硯看埽幽蘭新闕便擬明年人間
揮汗留踏層冰潔此君何事晚來曾為腰折

前調

賦雨
巖

辛棄疾

近來何處有吾愁何處還知吾樂一點淒涼千古意獨
倚西風寥廓翦竹尋泉和雲種樹喚做真閒確此心閒
處未應長藉丘壑
休說往事皆非而今覺是且把清
尊酌醉裏不知誰是我非月非雲非鶴露冷松梢風高

桂子醉了還醒却北牕高臥莫教啼鳥驚著

前調

賦白
牡丹

辛棄疾

對花何似似吳宮初教翠圍紅陣欲笑還愁羞不語惟
有傾城嬌韻翠蓋風流牙籤名字舊賞那堪省天香染
露曉來衣潤誰整最愛弄玉團酥就中一朵曾入揚
州詠華屋金盤人未醒燕子飛來春盡最憶當年沉香
亭北無限春風恨醉中休問夜深花睡香冷

前調

辛棄疾

風狂雨橫是邀勒園林幾多桃李待上層樓無氣力塵
滿闌干誰倚傍火添衣移香就枕莫捲朱簾起元宵過
也春寒猶自如此 為問幾日新晴鳩鳴屋上鵲報簷
前喜指拭老來詩句眼要看拍堤春水月下憑肩花邊
繫馬此興今休矣溪南酒賤光陰只在彈指

前調

為傅巖叟賦香月堂兩梅
後復為賦家中四古梅

辛棄疾

是誰調護歲寒枝都把蒼苔封了茅舍疎籬江上路清
夜月高山小摸索應知曹劉沈謝何況霜天曉芬芳一

世料君長被花惱
惆悵立馬行人一枝最愛竹外橫
斜好我向東鄰曾醉後喚起詩家二老拄杖而今婆婆
雪裏又識商山皓請君置酒看渠與我傾倒

前調

書東流
邨壁

辛棄疾

野塘花落又匆匆過了清明時節剗地東風欺客夢一
枕雲屏寒怯曲岬持觴垂楊繫馬此地曾經別樓空人
去舊遊飛燕能說聞道綺陌東頭行人曾見蘆底織
纖月舊恨春江流不斷新恨雲山千疊料得明朝尊前

重見鏡裏花難折也應驚問近來多少華髮

前調 題梅

辛棄疾

疎疎淡淡問阿誰堪比太真顏色笑殺東君虛占斷多
少朱朱白白雪裏溫柔水邊明秀不借春工力骨清香
嫩迥然天與奇絕常記寶鑰寒輕瑣牕睡起玉纖纖
輕摘漂泊天涯空瘦損猶有當年標格萬里風煙一溪
霜月未怕欺他得不如歸去闋風有箇人惜

前調

范成大

水鄉霜落望西山一寸修眉橫碧南浦潮生帆影去日
落天青江白萬里浮雲被風吹散又被風吹積尊前歌
罷滿空凝淡寒色 人世會少離多都來名利似蠅頭
蟬翼贏得長亭車馬路千古羈愁如織我輩情鍾匆匆
相見一笑真難得明年誰健夢魂飄蕩南北

前調

范成大

十年舊事醉京花蜀酒萬葩千萼一棹歸來吳下看俯
仰心情今昨強倚雕闌羞簪雪鬢老恐花枝覺揩摩愁

眼霧中相對依約
聞道家讌團圍光風轉夜月傍西
樓落打徹梁州春自遠不飲何時歡樂沾惹天香留連
國豔莫放燈前酌
鞞塵生處為君重賦河洛

前調

范成大

雙峰疊嶂過天風海雨無邊空碧月姣年年應好在玉
闕瓊宮愁寂誰喚癡雲一杯未盡夜氣寒無色碧城凝
望高樓縹緲西北
腸斷挂冷蟾宮佳期如夢又把闌
干拍霧鬢雲鬟相借問浮世幾回今夕圓缺晴陰古今

同恨我更長為客
嬋娟明夜尊前誰念南陌

前調

范成大

湖山如畫繫孤篷
柳岼莫驚魚鳥料峭春寒花未徧先
共疎梅索笑一夢三年松風依舊蘿月何曾老鄰家相
問這回真箇歸到綠鬢新點吳霜尊前強健不怕山
翁號賴有風流車馬客來覓香雲花鳥似我麤豪不通
姓字只要銀瓶倒奔名逐利亂帆誰在天表

前調

范成大

吳波浮動看中流，翻月半江金碧醉。舞空明三萬頃，不
管姮娥愁。寂指點瓊樓，憑虛有路鯨背橫。東極水雲飄
蕩，攔干千丈無力。家世回首滄洲，煙波漁艇有鷗吟。
仙跡一笑閒身遊物外，來訪扁舟消息。天上今宵人間
此地，我是風前客。濤生殘夜，魚龍驚聽橫笛。

前調

和石湖
三首

陳三聘

餘霞飛綺望長天，頃刻雲容凝碧。今夕江皋風力軟，明
日波心頭白。客舸東流，語離深夜遣我新愁積。春融花

麗定知天相行色 別後一紙鄉書故人相問好趁秋
鴻翼空有佳人千點淚錦字機中曾織利鎖名韉古今
同是誰失知誰得來朝愁望舊樓何處西北

前調

陳三聘

晴風麗日算東君拆徧梅心桃萼獨有名花開殿後一
笑嫣然如昨黃袂層粵霞冠高擁多態春才覺雨中風
帽故人來趁花約 好是羅綺添春香風環坐半醉金
釵落老去心情難似舊手拈花枝為樂麝馥縈愁妝光

凝恨莫惜金荷酌酒闌花睡夢魂重到京洛

前調

陳三聘

水空高下望沉沉一色渾然蒼碧天籟不鳴涼有露金
氣橫秋寂寂玉宇瓊樓望中何處月到天中極御風歸
去不愁衣袂無力此夜飄泊孤篷短歌誰和自笑狂
蹤跡咫尺藍橋仙路遠窅窅雲英消息疎影婆娑恍然
身世我是尊前客一聲悽怨倚樓誰弄長笛

前調

張孝祥

朔風吹雨送淒涼
天意垂垂欲雪萬里南
荒雲霧滿弱水蓬萊相接凍合龍岡寒侵銅柱碧海冰漸結憑高一
笑問君何處炎熱
家在楚尾吳頭歸期猶未對此驚
時節記得年時貂帽煖鐵馬千羣觀獵狐兔成車歌鐘
殷地歸踏層城月持杯且醉不須北望淒切

前調

洞庭

張孝祥

洞庭青草近中秋更無一點風色玉界瓊田三萬頃著
我扁舟一葉素月分輝銀河共影表裏俱澄澈怡然心

會妙處難與君說 應念嶺海經年孤光自照肝肺皆
冰雪短髮蕭騷襟袖冷穩泛滄浪空闊盡挹西江細傾
北斗萬象為賓客扣舷一笑不知今夕何夕

前調

張孝祥

海雲四斂太清樓極目一天秋色明月飛來雲霧盡城
郭山川歷歷良夜悠悠西風嫋嫋銀漢冰輪側雲霓三
弄廣寒宮殿長笛 偏照紫府瑤臺香籠玉座翠靄迷
南北天上人間凝望處應有乘風歸客露滴金盤涼生

玉宇滿地新生白壺中清賞畫簷高掛虛碧

前調

張孝祥

星沙初下望重湖遠水長雲漠漠一葉扁舟誰念我今
日天涯飄泊平楚南來大江東去處處風波惡吳中何
地滿懷俱是離索長記送我行時綠波亭上泣透青
羅薄檣燕低飛人去後依舊湘城簾幙不盡山川無窮
煙浪辜負秦樓約漁歌聲斷為君雙淚傾落

前調

仲并

練江風靜臥冰匳百尺朱欄飛入江遠浮天天在水水
滿半天雲濕白鳥明邊青山斷處眼冷江頭立月明潮
上葦間漁唱聲急 幾度吹老蘋花野香無數欲寄應
難及天借詩人供醉眼尊俎一時收拾竹裏行厨花間
步障風雨生呼吸酒闌歌罷釣船先具蓑笠

前調 九日

袁去華

一番雨過一番涼秋入蒼崖青壁晝日多陰還又是重
九飄零江國瘦水鄰鄰長煙裊裊楓葉千林赤南山入

望為誰依舊佳色 隨分綠酒黃花聯鑣飛蓋總龍山
豪客人世高歌狂笑外擾擾於身何得短髮蕭蕭風吹
烏帽醉裏從教側明年雖健未知何處相憶

前調

菊花

劉克莊

老夫白首尚兒嬉廢圃一番料理餐飲落英并墜露重
把離騷拈起野豔幽香深黃淺白占斷西風裏飛來雙
蝶繞叢欲去還止 嘗試銓次羣芳梅花差可伯仲之
間耳佛說諸天金色界未必莊嚴如此尚友靈均定交

元亮結好天隨子籬邊坡下一杯聊泛霜蕊

前調 木犀

劉克莊

繞籬尋菊菊猶遲舍北芙蓉渾未却是小山叢桂裏一
夜天香飄墜約束奴兵丁寧稚子莫掃青苔砌風高露
冷倚闌疑匪人世 客有載酒過予朗吟招隱洗盡悲
秋意白髮長官窮似蝨剛被天公調戲徧地堆金滿空
雨粟不濟淵明事殘英賸馥明朝猶可同醉

前調

觀潮
應制

吳 琚

玉虹遙挂望青山隱隱有如一抹忽覺天風吹海立好
似春霆初發白馬凌空瓊螯駕水日夜朝天闕飛龍舞
鳳鬱葱環拱吳越此景天下應無東南形勝偉觀真
奇絕好是吳兒飛彩幟蹴就一江秋雪黃屋天臨水犀
雲擁看擊中流揖晚來波靜海門飛上明月

前調

重九登
金石臺

管鑑

登高作賦歎老來筆力多非年少古觀重遊秋色裏冷
怯西風吹帽千里江山一時人物迴出塵埃表危闌同

凭皎然玉樹相照
惆悵紫菊紅萸年年簪髮應笑人
空老北闕西江君賜遠難得一枝來到莫話升沉且乘
閒暇贏得清尊倒飲酣歸暮浩歌聲振林杪

前調

冬日賞梅聞
岑守得祠

管鑑

寒梢冰破問何人遠寄江南春色似是天憐為客久報
我春歸消息茅舍疎籬故園開處兩歲關山隔天涯重
見向人風味如昔誰念月底風前當時青鬢漸與花
顏白不恨一番花落早恨把年華虛擲嚼蕊含香攀條

覓句揀醉禁愁得酒醒還是夢魂數徧歸驛

前調

宜雨亭詠
千葉海棠

張
鉉

綠雲影裏把明霞織就千重文繡紫膩紅嬌扶不起好
是未開時候半怯春寒半宜晴色養得臘脂透小亭人
靜嫩鶯啼破春晝猶記攜手芳陰一枝斜戴嬌豔雙
波秀小語輕憐花總見爭得似花長久醉淺休歸夜深
同睡明日還相守免教春去斷腸空歎詩瘦

前調


登齊雲樓夜
飲雙瑞堂

張
鉉

東吳名勝有高樓直在浮雲齊處十二闌干邀遠望歷
歷斜陽煙樹香徑人稀廩廊山遶往事今何許一天和
氣為誰吹散疎雨知是蘭省星郎朱輪森戟與風光
為主暇日登攜多雅致容我追隨臨賦小宴重開晚寒
初勁還下危梯去燭華紅墜瑞堂猶按歌舞



御選歷代詩餘卷六十七



總校官庶吉士臣張能照

校對官庶吉士臣陳文樞

謄錄監生臣周燮

欽定四庫全書薈要

集部

御選歷代詩餘卷六十八
九

詳校官編修臣汪鏞

欽定四庫全書薈要

御選歷代詩餘卷六十八目錄

一百字

念奴嬌中

杜旗二首

劉儼二首

程秘二首

王千秋

劉清夫



姜夔 二首

陸游

劉過

楊炎 二首

張輯 二首

謝懋

黃機 二首

劉鎮

李洪

鄭域

王炎

戴復古

毛幵

三首

洪咨夔

陸淞

高觀國

汪莘

吳潛 三首

李昉英

章謙亨

方岳 五首

張榘 二首

馮取洽

盧炳 四首

沈端節 二首

黃昇 二首

吳文英

蔣捷 二首

張樞

周密

張炎 十首

御選歷代詩餘卷六十八目錄

欽定四庫全書蒼要卷二萬七百四十六

集部

御選歷代詩餘卷六十八

一百字

念奴嬌

中

念奴嬌

石頭城

杜旗

江山如此是天開萬古東南王氣一自髯孫橫短槩坐
使英雄鵲起玉樹聲銷金蓮影散多少傷心事千年遼
鶴併疑城郭非是 當日萬馬雲屯潮生潮落只石頭
孤峙人笑褚淵今齒冷只有袁公不死斜日荒煙神州

何在欲墮新亭淚元龍老矣世間何限餘子

前調 菊

杜 旗

小妝朱檻護秋英千點金鈿如簇黃葉白蘋朝露冷只
有孤芳幽馥華髮蒼頭官情羈思來伴花幽獨巡簷無
語清愁何啻千斛 因念愛酒淵明東籬雅意千載無
人續身在花邊須一醉小覆杯中醽醁過了重陽撚枝
興恣休歎年華速明年春到陳根更有新綠

前調

送張明之
赴京西幕

劉 儼

餘艤東下望西江千里蒼茫煙水試問襄州何處是雉
堞連雲天際叔子殘碑卧龍陳迹遺恨斜陽裏後來人
物如君瓌偉能幾其肯為我來邪河陽下士差足強
人意勿謂時平無事也便以言兵為諱眼底山河樓頭
鼓角都是英雄淚功名機會要須閒暇先備

前調

長沙趙帥
席上作

劉儼

西風何事為行人掃蕩煩襟如洗熏漲丞瀾都捲盡一
片瀟湘清泚酒病驚秋詩愁入鬢對影人千里楚宮故

事一時分付流水 江上買取扁舟排雲湧浪直過金
沙尾歸去江南丘壑處不用重尋月姊風露杯深芙蓉
裳冷笑傲煙霞裏草廬如舊臥龍知為誰起

前調

憶先廬春
山之勝

程 珌

歸來一笑尚看看趁得人間寒食阿壽牽衣仍問我雙
鬢新來添白忍見庭前去年芳草依舊青青色西湖雨
後綠波兩岸平拍 天教斷送流年三之一矣又是成
疎隔燕子春寒渾未到誰說江南消息玉樹垂香水桃

翻浪好箇真相識
這回歸去松風深處橫笛

前調

初見
海棠

程 珌

嫣然一笑向燭花光下
經年纔見欲語還羞如有恨方
得東君一盼天意無情更教微雨香淚流丹臉今朝霽
色笙歌初沸庭院 因是思入東屏當年手植徧桃源
低岸失脚東來春七度辜負芳叢無限問訊園丁寧如
歸去細與從頭看東風獨立白雲遮斷雙眼

前調 水仙

王千秋

開花借水信天姿高勝都無俗格玉隴娟娟黃點小依
約西湖清魄綠帶垂腰碧簪髮髻索句撩元白西清微
笑為渠摹寫香色常記月底風前水沉肌骨瘦不禁
憐惜生怕因循紛委地仙去難尋蹤跡縹檻深栽彤幃
密護不肯輕拋釋等差休問未容梅品懸隔

前調

武夷
詠梅

劉清夫

亂山深處見寒梅一朶皎然如雪的皦妍姿羞半吐斜
映小牕幽絕玉染香腮凝冷豔容態天然別故人雖

遠對花誰肯輕折 疑是姑射神仙幔亭宴罷迤邐停
瑤節愛比溪山供秀潤飽翫洞天風月萬石叢中百花
頭上誰與爭高潔麓桃俗李不須連夜催發

前調

姜夔

五湖舊約問經年底事長負清景暝入西山漸喚我一
葉夷猶乘興倦網都收歸禽時度月上汀洲冷中流容
與畫橈不點清鏡 誰解喚起湘靈煙鬟霧鬢理哀絃
鴻陣玉塵談玄歎坐客多少風流名勝暗柳蕭蕭飛星

冉冉夜久知秋信
鱸魚應好舊家樂事誰省

前調

吳興
荷花

姜夔

闌紅一舸記來時
常與鴛鴦為侶
三十六陂人未到
水佩風裳無數
翠葉吹涼
玉容消酒更灑
菰蒲雨
嫣然搖動
冷香飛上詩句
日暮青蓋亭亭
情人不見
爭忍凌波去
只恐舞衣容易落
愁入西風南浦
高柳垂陰
老魚吹浪
留我花間住
田田多少
幾回沙際歸路

前調

招韓無咎
遊金山

陸游

禁門鐘曉憶君來，朝路初翔鸞鵠。西府中臺推獨步，行到金蓮宮燭。感繡華韜仙葩寶帶，看即飛騰速。人生難料一尊此地相屬。回首紫陌青門，西湖閒院鎖千梢。修竹素壁棲鴉，應好在殘夢不堪重續。歲月驚心，功名看鏡短鬢無多綠。一歡休惜與君同醉浮玉。

前調

回侍郎
李大異

劉過

知音者少，算乾坤許大，著身無處。直待功成方始退，何日可尋歸路。多景樓前，垂虹亭下，一枕眠秋雨。虛名相

誤十年枉費辛苦 不是奏賦明光獻書北闕無驚人
之語我自匆忙天未肯贏得衣裳塵土白壁堆前黃金
酬笑付與君為主尊鱸江上浩然明月歸去

前調

楊炎

漢天雲淨望一星飛過湘南湘北當是郴山猿鶴夢喚
起日邊消息羽扇綸巾浩然乘興此意無人識扁舟千
里但聞清夜橫笛 記得天上人間去年今日曾作稱
觴客明月風煙依舊似只覺蓬萊懸隔更恐明朝詔黃

飛下趨駕冲霄翼袞衣劔履望公長在南極

前調

楊炎

杏花楊柳對東風染盡一年春色彈壓煙光三萬頃誰
識清都仙伯夜泛銀潢手移星緯飛墮從天闕御風乘
興偶然身到鄉國年年人樂昇平舞臺歌榭處處紅
牙拍壽酒千觴斟不盡一醉何妨今夕更約明年鳳凰
池上去作稱觴客梅花折得贈君調鼎消息

前調

遊高沙訪
淮海事迹

張輯

短髯懷古更文遊臺上秋生吟興閒說坡仙來把酒月
底頻留清影極目平蕪孤城泗水畫角西風勁曲闌猶
在十分心事誰領詞卷空落人間黃樓何處回首愁
深省斜照寒鴉知幾度夢想當年名勝只有山川曾窺
翰墨髣髴餘風韻舊遊休問柳花淮甸春冷

前調

張輯

嫩涼生曉怪今朝湖上秋風無迹古寺桂香山色外腸
斷幽叢金碧驟雨俄成蒼烟不見苔徑孤吟屐繫船高

柳晚蟬嘶破愁寂
且約攜酒高歌與鷗相好分坐漁
磯石算只藕花知我意猶把紅芳留客樓閣空濛管絃
清潤一水盈盈隔不如休去月懸良夜千尺

前調

中秋呈
徐叔至

謝懋

霽天湛碧正新涼風露冰壺清澈河漢無聲光練練湧
出銀蟾孤絕巖桂香飄井梧影轉冷浸宮袍纈西廂往
事一簾幽夢悽切腸斷楚峽雲歸尊前無緒只有愁
如髮此夕嫦娥應也恨冷落瓊樓金闕禁漏迢迢邊鴻

杳杳幽意憑誰決
闌干星斗落梅三弄初闕

前調

黃機

春愁幾許似春雲
藹藹連空無數
隱約眉尖偏易得
沒箇因由分付
楊柳煙濃
海棠花暗
綠漲牆頭路
小樓應是有人和淚凝
竚
長記寶軸妝成
鴛鴦繡嫩
輕笑歌金縷
香雪精神依舊
否風月誰憐
空度帶減衣寬
十分憔悴兩下平分
取黃昏可更子規聲碎
煙塢

前調

黃機

東籬成趣有西風解事催開叢菊碎摺黃金誰試手一
一清香堪掬露濕涼輕霞凝寒重秀發如新沐宮妝勻
就豈知紅紫龕俗因念昔日淵明微官不受歸伴花
幽獨彈壓秋光三徑裏濁酒牀頭初熟飲劇腸寬醉深
吻燥更把綸巾漉此翁無恙喚渠同醉船玉

前調 茉莉

劉鎮

調冰弄雪想花神清夢徘徊南土一夏天香收不起付
與蕊仙無語秀入精神涼生肌骨銷盡人間暑稼軒愁

絕惜花還勝兒女
長記歌酒闌珊開時向晚笑浥金
莖露月浸闌干天似水誰伴秋娘牕戶困殢雲鬢醉敲
風帽總是牽情處
返魂何在玉川風味如許

前調

曉起觀
落梅

李洪

麗譙吹角漸疎
星明澹簾篩殘月
娟娟霜廳欺翠袖飛
下一庭香雪半面妝
新迴風舞
因此况真竒
絕枕柳林
裏蘇仙偏感華髮
休怨時暫飄零
玉堂清夢不惹閒
蜂蝶好似王家叢竹畔
乘興山陰時節
翦水無情
闌風

歸去忍使芳心歇和羹有待恁時身到天闕

前調

生日作

鄭域

嗟來吐去被天公把做小兒調戲蹀雪龍庭歸未久還
促炎州行李不半年間南轅北轍一萬三千里征衫著
破著衫人可知矣 休問海角天涯黃蕉丹荔自足供
甘旨泛綠依紅無箇事時舞斑衣而已救蟻藤橋養魚
盆沼是亦經綸耳伊周安在且須學老萊子

前調

海棠

王炎

曉來雨過徧海棠枝上
臙脂如滴桃杏不堪來比
並信是傾城傾國藏韻收香
誰能描貌閣盡詩人筆從教睡
去為留銀燭終夕不待過了
清明綠陰結子無處尋
春色較較輕紅飛一片便覺臨風
悽惻莫道無情嫣然一笑也似
曾相識惜花無主自憐身是行客

前調

寄李實父

戴復古

大江西上鬱孤臺八景人間圖畫地湧千峰
搖翠浪兩派玉虹如瀉彈壓江山品題風月
四海今王謝風流人

物如公一世雄也 一片憂國丹心彈絲吹笛未必能
陶寫西北風雲方黯澹宰相閒歸綠野月斧爭鳴風斤
運巧不用修亭榭紫樞黃閣要公整頓天下

前調

毛幵

少年竒志笑功名畫虎文章刻鵠永夜漫漫悲晝短難
挽蒼龍銜燭飛藿飄零浮雲遷變過眼郵傳速昔人真
意渺然千載誰屬 猶喜二子當年諸公籍甚賞雲和
孤竹翰墨流傳知幾許遺響宮商相續夢裏京華不須

驚歎春草年年綠赤霄歸去更看犇電歆玉

前調

暮秋登石橋和韻

毛 升

十年湖海歎潘郎憔悴無心雲閣強起登臨驚暮序目
斷清霜搖落散髮層阿振衣千仞浩蕩窮林壑沈寥無
際鏡天收盡雲脚長嘯聲落悲風滄洲萬里想當年
歸約回首區中無限事此意誰同商略欲駕飛鴻翩然
獨往汗漫期相諾滯留何事坐令雙鬢如鶴

前調

追和張巨山牡丹詞

毛 升

倚風含露似輕顰微笑盈盈脈脈染素勻紅知費盡多
少東君心力國豔酣晴天香融煖畫手誰傳得綠牕朱
戶曉妝誰見凝寂 獨占三月芳菲千花百卉莫難爭
春色欲寄朝雲無限意回首京塵猶隔舞破霓裳一枝
渾似醉倚香亭北舊歡如夢老懷那更追惜

前調

荷

洪咨夔

香山老矣正商量不下去留蠻素獨立躊躇腸欲斷一
段若邪溪女水底新妝空中香袖斜日秋風浦向人欲

語垂楊清蔭多處 便好花裏喚船碧甯白酒微吸荷
心苦佳月一鉤天四碧隱約明波橫注雪藕逢絲擘蓮
見蕙枕草涼如雨一雙宿鷺伴人永夜翹竚

前調

和季漢老

陸淞

黃橙紫蠓映金壺激濫新醅浮綠共賞西樓今夜月極
目雲無一粟揮塵高談倚欄長嘯下視鱗鱗屋轟然何
處瑞龍聲噴蘄竹 何況露白風清銀河澈漢髮髯如
懸瀑此景古今如有價豈惜明珠千斛灑氣盈襟冷風

入袖只欲騎鴻鵠廣寒宮殿看人顏似冰玉

前調

靈巖
懷古

高觀國

萬巖靈秀拱崇臺飛觀憑陵千尺清磬一聲簾幕冷無
復宮娃消息響屨廊空採香徑古塵土成遺跡石間松
老斷雲空鎖愁寂 宮中誰比輕顰楚腰吳豔一笑無
顏色風月荒涼羅綺夢輸與扁舟歸客舞闋歌殘國傾
人去青草埋香骨五湖波水淼遠空依舊涵碧

前調

汪莘

龍山高會憶當年賓主風流雲散今日紫陽峰頂上人
望旌旗天半萬疊紅葉十層黃鞠照耀成飛觀西風浩
蕩碧天斜去雙雁 遙想健筆淋漓龍蛇落紙妙句高
張翰籠日輕霞橫數抹綠水金波相間目寄宣平神追
師道歸權搖星漢城中萬戶燭光香霧交貫

前調

瓜州會
趙南仲

吳潛

紅塵飛騎報元戎小隊躡青南陌雪浪堆邊呼曉渡吳
楚半江分坼歲月驚心風埃眯目相對頭俱白楊花撩

亂可憐如此春色 誰道燕燕鶯鶯多情猶自認得年
時客重唱江南腸斷句為我半傾雲液畫鼓舟移金鞍
人遠一晌煙波隔斜陽冉冉依然無限悽惻

前調

寄趙南仲

吳潛

半空樓閣把江山圖畫一時收拾白鳥孤飛飛盡處最
好暮天秋碧萬里西風百年人事漫倚闌干拍凝眸何
許揚州煙樹歷歷 應念老子年來浮名浮利已作虛
空擲三徑才尋歸活計又是飄零為客回首平生驚心

雙鬢容易成悽惻尊前一笑且由醉帽敲側

前調 梅花

吳潛

曉來牕外正南枝初放兩花三蕊千古春風頭上立羞
退穠桃繁李姑射神遊壽陽妝褪色界塵都洗竹扉松
戶平生所寄聊耳堪笑強說和羹此君心事指高山
流水隴驛淒涼却怕被哀角城頭吹起此處闕情為他
凝佇澹月清霜裏巡簷何事歲寒相誓而已

前調

避暑白雲寺

李昉英

麥秋時候薄雲罩炎日山川乘興筇屐追隨多勝侶青
佩黃冠方領坐石談玄聽泉濯暑直上千山頂倚風長
嘯籟鳴林谷相應忽湧雲氣漫空海吹急雨覺冰練
微冷洗盡人間名利障便是蓬萊仙境半日偷閒一生
清福豈在榮鐘鼎青燈深夜陶然獨妙清聖

前調

垂楊

章謙亨

垂楊得地在樓臺側畔無人攀折不似津亭舟繫處只
伴客愁離別絲過搖金帶鋪新翠雅稱鶯調舌芳筵相

映最宜斜挂殘月 却得連日春寒未教輕滾一片庭
前雪應恨張郎今老去難比風流時節醉眼渾醒愁眉
都展舞困腰肢怯有時微笑把伊綰箇雙結

前調

夢雪

方岳

問天何事雪垂垂欲下又還晴却春到梅梢香逗也儘
有心情行樂剡曲舟迴灞橋詩在一笑人如昨此情分
付暮天寒月殘角 誰道飛夢江南羣山如畫一一瓊
瑤琢中有玉田三萬頃云是幼輿丘壑招我歸來和春

醉去休跨揚州鶴
萬花曾約酒醒當
有新作

前調

萬花園次韻
呈趙制帥

方岳

花風初逗喜邊亭
依舊春間營柳煙
草隋宮歌舞地誰
遣萬紅圍繡結酒
因緣裝春富貴也
要經綸手笙簫聲
裏一江晴綠吹縐
是處羽箭如飛那
知鶴府花壓闌
干晝油幕文書談
笑了餘事儘堪茶
酒報答東風流連
西日綠外沉吟久
與春無負醉歸香
滿襟袖

前調

方岳

綠尊翠勺約秋風一醉小樓先月誰取寶奩奔帝所深
鎖玉華宮闕老桂香寒疎桐雲重生怕金蛇掣那知天
柱一峯別與天接我欲飛珮重遊真之衣袖照我襟
懷雪玉斧難藏修月手待做明宵清絕天地無塵山河
有影了不遺毫髮舉杯相屬喚誰牋與天說

前調

和君用

方岳

槎牙詩骨想生來無分史闡經幄呵護九關多虎豹誰
道去天一握奏賦兩都聞韶三月雁遠書難托一寒如

許蟾枝莫倚高擢 空使滿壑風煙半邨雪月孤負梅
花約渺渺愁予初度也山泛同雲垂幕鶴帳如何牛衣
無恙麥隴占優渥不如歸去簷花深夜春酌

前調

送吳丞
入幕

方岳

祈山底處為二松千竹肯題崖壁雪灑談屏麾雁鴛爾
輩何煩涉筆使者知乎民其勞止且莫閒耕織片言金
石喚回春意無極 雖則王謝人家一癯山澤面作蒼
煙色茶竈筆淋將兩屐吟到梅花消息賤子何為老仙

如問莫道頭今白寒蓑幾夢研朱看點周易

前調

重午
二首

張榘

楚湘舊俗記包黍沉流緬懷忠節誰挽汨羅千丈雪一
洗些魂離別贏得兒童紅絲纏臂佳話年年說龍舟爭
渡奪旗起鼓驕劣誰念詞客風流菖蒲桃柳憶閨門
鋪設嚼徵含商陶雅興爭似年時娛悅青杏園林一尊
煮酒當為澆悽切南薰應解把鄉愁袂吹裂

前調

張榘

三閭何在把離騷細讀幾番擊節薜蘿椒蘭紛江渚較
以艾蕭終別清濁同流醉醒一夢此恨誰能說忠魂耿
耿祇憑天辨優劣須信千古湘流練絲纏黍端為英
雄設堪笑兒童浮菖歎悲憤翻為喜悅三歎靈均竟罹
讒網我獨中情切薰風愆戶榴花知為誰裂

前調

次韻玉
林寄示

馮取洽

高堂素壁漫生絹十幅圖張消暑不奈火雲燒六合逃
也略無逃處小派秋聲巨麓涼點吸歛來何許故人詞

翰此時飛落蓬戶 何幸一笑掀髯停杯浩唱三歎遺
音古雪椀冰甌無表裏更貯三危鮮露咀嚙生香清寒
入夢展轉忘宵曙對牀誤喜與君同聽風雨

前調

盧炳

晚天清楚埽太虛纖翳涼生江曲四顧青冥天地闊惟
有殘霞孤鶩山氣凝藍汀煙引素竦竦浮羣木白蘋風
定波澄萬頃寒玉 時有一葉漁舟收綸垂釣來往何
幽獨短髮蕭蕭襟袖冷便覺都無裨溽曳杖歸來夜深

人悄月照鱗鱗屋藤牀一枕迴然清夢無俗

前調

白蓮
三首

盧炳

鑿開方沼問何人種玉工夫奇絕幻出瀟瀟州前未有十
萬水仙羅列風曳瑤裾露零珠珮天上人裝結君看炎
夏墮來何處冰雪我來對此涼生紅塵飛盡却笑凌
波靨最愛幽姿能雅澹自蓄芳馨孤潔挹取天漿喚將
空籟齊作清歌發不知塵世晃然身在瑤闕

前調

盧炳

碧池如染把玻璃
斲就纖埃都絕
西國夫人空裏墜
圓蓋亭亭排列
瑩質無瑕塵心
不染遠社堪重
結當時盛事
虎溪茗椀翻雪
千載此意誰論
人爭買笑醉眼
看羅幘坐上如
今皆我輩素蘊
從來蠲潔擊節
臨風停杯對月
浩氣俱英發兩
翁仙舉玉堂正
在金闕

前調

盧炳

好風明月共芙蓉
占作人間三絕
試問千花還百卉
敢與英姿同列
一曲千鍾凌雲
長嘯舒放愁腸
結人生易

老莫教雙鬢添雪
回首蠅利蝸名微官多誤自笑塵
生韞爭似玉人真嫵媚表裏冰壺明潔露下寒生參橫
斗轉又聽秋笳發夜闌人靜一聲清透雲闕

前調

玉蝶
梅

沈端節

洛妃漢女護春寒不惜鮫綃重疊拾翠江邊煙澹澹交
影參差籠月秦虢相將英娥接武同宴瑤池雪層冰連
璧箇中誰敢優劣著意暈粉饒酥韻多香賸都與羣
花別娟秀敷腴索笑處玉臉微生嬌靨羞損南枝映翻

綠萼不數黃千葉形容不盡細看一倍清絕

前調

沈端節

重陽恁好正秋清天色水容如瀉野閣風高香霧滿採
菊無人同把堪笑淵明蓬頭曳杖吟賞東籬下孤風遠
韻至今猶作佳話 爭似太守仁賢慈祥愷悌賦政多
閒暇千里江山供勝踐尊俎延登儒雅只恐相將吹花
春宴不許斯民借花朝便座尚懷方外司馬

前調 夜涼

黃昇

西風解事為人間洗盡三庚煩暑一枕新涼宜客夢飛
入藕花深處冰雪襟懷琉璃世界夜氣清如許劃然長
嘯起來秋滿庭戶應笑楚客才高蘭成愁悴遺恨傳
千古作賦吟詩空自好不直一杯秋露澹月闌干微雲
河漢耿耿天催曙此情誰會梧桐葉上疎雨

前調

林題玉

黃昇

玉林何有有一灣蓮沼數間苑宇斷塹疎籬聊補葺那
得粉牆朱戶未黍秋風雞豚曉日活脫田家趣客來茶

罷自挑野菜同煮 多少甲第連雲十眉環座人醉黃
金塢回首邯鄲春夢破零落珠歌翠舞得似衰翁蕭然
陋巷常作溪山主紫芝可採更尋巖谷深處

前調

賦縣圃
明秀亭

吳文英

思生晚眺岸烏紗平步春雲層綠卷畫屏風開四面各
樣鶯花結束寒欲殘時香無著處千樹風前玉遊蜂飛
過隔牆疑是金谷 偏稱曉色橫煙愁凝我髻澹生綃
裙幅縹緲孤山南畔路相對花房竹屋溪足沙明巖陰

石秀夢冷吟亭宿松風古澗高調月夜清曲

前調

夢有奏方響而舞者

蔣捷

夜深清夢到叢華深處滿襟冰雪人在瑤雲方響樂杳
杳衝牙清絕翠篔簹翔龍金樅躍鳳不是麤賓鐵淒鏘仙
調風敲珠樹新折中有五色光開參差披影對舞山
香徹霧閣雲牕歸去也笑擁靈君旌節六曲闌干一聲
鸚鵡霍地花空滅夢回孤館秋笳霜下嗚咽

前調

贈薛稼翁

蔣捷

稼翁居士有幾多抱負幾多聲價玉立繡衣霄漢表曾
覽八州風化進退行藏此時正要一著高天下黃埃撲
面不成也控羸馬人道雲出無心纔離山後豈是無
心者自古達官酣富貴往往遭人描畫只有青門種瓜
閒客千載傳佳話稼翁一笑吾今亦愛吾稼

前調

張樞

雁橫迴碧漸煙收極浦漁唱吹晚臨水樓臺乘醉倚雲
引吟情閒遠露脚飛涼山眉鎖暝玉宇冰奩滿平波不

動桂花低印清淺 應是瓊斧修成鉛霜搗就舞霓裳
曲徧窈窕西牕誰弄影紅冷芙蓉深苑賦雪詞工留雲
歌斷偏惹文簫怨人歸鶴唳翠簾十二空捲

前調 中秋

周密

匳霏淨洗喚素娥睡起平分秋色雁背風高孀兔冷露
脚侵衣香濕銀浦流雲珠房迎曉鬢影霜爭白玉尊涼
夜與誰同醉瑤席 忍記倚桂分題簪花筭酒處處成
陳迹回首年時飛動意惟有孤雲知得如此江山依然

風月月底人非昔知音何許淚痕空漬愁碧

前調

冬晚山陰溪上

張炎

行行且止把乾坤收入蓬牕深裏星散白鷗三四點數
筆橫塘清意岸嘴衝波蘼根受月野徑通邨市疎風迎
面濕衣原是空翠堪歎敲雪門荒爭棋野冷苦竹鳴
山鬼縱使如今猶有晉無復清遊如此落日沙黃遠天
雲澹弄影蘆花外幾時歸去翦取一半煙水

前調

養拙園夜飲

張炎

瘦筇訪隱正繁陰
閒鎖一壺幽綠喬木蒼寒
圖畫古窈窕行人韋曲
鶴響天高水流花淨笑
語通華屋虛堂松外夜
深涼氣吹燭樂事楊柳
樓心瑤臺月下有生香
堪掬誰理商聲簾外悄
簫瑟鳴璫懸玉一笑難
逢四愁休賦任我雲邊
宿倚闌歌罷露螢飛上
秋竹

前調

賦秀野園
清暉堂

張炎

穿幽透密傍園林
宴樂清時鐘鼓簾隔波
紋分畫影馳得一壺春
聚篆徑通花花多迷徑
難省來時路緩尋深

靜野雲松下無數
空翠暗濕荷衣
夷猶舒嘯日涉成
佳趣香雪因風晴更落
知是山中何樹響
石橫琴懸崖
擁檻待月慵歸去
忽來詩思水田飛下霜鷺

前調

陸性齋
小蓬萊

張炎

海天縹緲算人間
自有移來蓬島一粒粟
中生倒景日
月光融丹竈
玉洞分春雪
巢不夜心寂
凝虛照鶴溪遊
處肯將琴劍同調
休問掛樹瓢
空牕前清意
羸得不
除草只恐漁郎曾悞入
翻被桃花一笑潤色
茶經評量

山水如此閒方好神仙縮地長房應未知道

前調

客中寄友

張炎

西秦倦旅是幾年不聽西湖風雨我把長鏡垂短髮心事時看天語吟篋空隨征衣休換薜荔猶堪補山能招隱一瓢閒挂煙樹方歎舊國人稀花間忽見傾蓋渾如故客裏不須談世事野老安知今古海上盟鷗門深款竹風月平分取陶然一醉此時愁在何處

前調

月湧大江為陸起潛賦

張炎

長流萬里與沉沉，滄海平分一水孤。
白爭流，蟾不沒影，落潛蛟驚起，瑩玉懸秋。
綠房迎曉，樓觀光凝，洗紫簫聲。
嫋四簷吹下清氣，遙睇浪擊空明，古愁休問，消長盈虛。
理風入蘆花歌，忽斷知有漁舟，閒樣露已沾衣，漚猶
栖草一片，瀟湘意人方酣夢，長翁元自如此。

前調

張炎

遶枝倦鵲，鬢蕭蕭肯信，如今猶客。
風雪荷衣寒葉補，一點燈花懸壁。
萬里舟車，十年書劔，此意青天識。
泛然身

世故家休問清白 却笑醉倒山翁石牀飛夢不入槐
安國只恐溪山遊未了莫歎飄零南北滾滾江橫鳴嗚
歌罷渺渺情何極正無聊賴天風吹下孤笛

前調

懷雲友

張炎

異鄉倦旅問扁舟東下歸期何日琴劍空隨身萬里天
地誰非行客李杜飄零羊曇悲感回首俱陳迹羈懷難
寫豆蟲吟破孤寂 柳外門掩疎陰佳人何處溪上蘋
花白留得一方無用月隱隱山陽聞笛舊雨不來風流

雲散惟有長相憶雁書休寄寸心分付梅驛

前調

壽月溪

張炎

波明畫錦看芳蓮迎曉風弄晴碧喬木千年長潤屋清
蔭圖書琴瑟龜甲屏開鰕鬚簾捲瑤草秋無色和薰蘭
麝綵衣歡擁詩伯溪上燕往鷗還筆牀茶竈筇竹隨
游屐閒似神仙閒最好未必如今閒得書染芝香驛傳
梅信次第來雲北金尊須滿月光常照歌席

前調

賦雲溪

張炎

隨風萬里已無心出岫浮游天地為問山中何所有此
意不堪持寄澹薄相依行藏自適一片松陰外石根蒼
潤飄飄元是清氣長伴暗谷泉生晴光漱澹濕影搖
花碎濯濯波濤江漢裏忽見清流如此枝上瓢空鷗前
沙淨欲洗幽人耳白蘋洲上浩歌一櫂春水

御選歷代詩餘卷六十八